



Inatsisartunut ilaasortaq,
Bentiaraq Ottosen
Atassut
Maani/

§ 37 naapertorlugu apeqquteqaammut nr. 174-imut akissut

09-09-2026

Suliap normua: 2026 - 16178
All. nr.: 26809542

Inatsisartut suleriaasianni § 37-mi, imm. 1 malillugu sinerissap qanittuani qalorsuarnik saarullinniarneq pillugu Naalakkersuisunut apeqqutunik saqqummiussaqaqputit. Apeqqut suliaassaqaqfigisannit akineqartussanngorlugu innersuunneqarpoq.

Postboks 269

3900 Nuuk

Oq. (+299) 34 50 00

Fax. (+299) 34 63 55

E-mail: apn@naanoq.gl

www.naalakkersuisut.gl

1. Kangerlunni qalorsuarsorluni saarullinniarneq qaqugu Naalakkersuisut pilersaarutigaat unitsinneqassasoq?

Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nutaaq ulloq 15. september 2026 atuutilissaaq. Nalunaarut taanna aqutigalugu tunngaviusumik killeqarfiup iluani qalorsuarsorluni saarullinniarnermut inerteqqut atuutilersinneqassaaq. Taamaattoq Aalisarnermut, Piniarnermut, Nunalerinermut Imminullu Pilersornermut Naalakkersuisup qinnuteqartoqarsimanerata kingorna, tunngaviusumik killeqarfiup iluani qalorsuarsorluni saarullinniarnermut inerteqqummik atorunnaarsitsisinnaavoq. Sumiiffinni aalajangersimaqqissaartuni killilimmik inerteqqummik atorunnaarsitsisoqarsinnaavoq. Utaqqiisaasumik imaluunniit inerteqqummik atorunnaarsitsisoqarsinnaavoq. Malittarisassat taakku nalunaarutip nutartikkap § 4 -ni imm. 6-mi aamma 7-mi atuarneqarsinnaapput.

2. Aqutsiveqarfimmi sinerissap tunngaviusumillu killeqarfimmit 3 sømilit akornanni angallatit 24 meterit a.t.t. imaluunniit 120 BT annerilluunniit aalisaqqusaanngillat. Naalakkersuisut nalunaarummik iluarsartueqqinnerminni angallatit angissusii pillugit killilersuineq tamanna eqqumaffigisimavaat?

Aap, angallatit angissusaannut killigititat nutarterinermi immikkut eqqartorneqarnikuupput, aamma Naalakkersuisut aaqqiissutissat ujartugaat tassaapput aalisartut tamarmik soqutigisaannik oqimaaqatigiissitsinerpaasinnaasut.

3. Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 72 4.novembri 2025 atuuttoq kap. 2 § 4, imm. 2 allanngortinneqassava?


Aap. Takuuk apeqqut 1-mut akissut.

4. § 18-imi saarullinnik aalisakkanillu assigisaannik qalorsuarsorluni aalisarnermi nigartalinnik T90-inik imaluunniit nigartanik kipparissunik atuinissamut

malittarisassat aalajangersarneqarput. Aalajangersagaq taanna § 4-mut, ilaatigut § 4, imm. 2-mi saarulliit taaneqarsimannginnerannut, atatillugu qanoq paasineqassava? Malittarisassat ima paasineqassappat angallatit 24 meterit a.t.t.-mit aamma 120 BT-mit mikinerusut sinerissap tunngaviusumillu killeqarfimmit 3 sœmilit akornanni qalorsuarsorlutik saarullinniarsinnaasut?

Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaanni nutaami ulloq 15. september 2026 atuutilersussami, Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaannut nr. 72, 4. november 2025-meersumut sanilliullugu allannguutit arlaqarput. Nalunaarummi nutaami sinerissap qanittuani saarullinniarnermi aalisariutit qanoq angitigisinnaanerinik malittarisassat allanngortinneqanngillat. Nalunaarut nutaaq atuutilersinneqarpat, tunngaviusumik killeqarfiup iluani unguiniutit imaluunniit qalorsuit atorlugit saarullinniarnertit tamarmik inerteqqutaalissapput. Taamaattoq Aalisarnermut, Piniarnermut, Nunalerinermut Imminullu Pilersornermut Naalakkersuisup qinnuteqartoqarsimanerata kingorna, tunngaviusumik killeqarfiup iluani qalorsuarsorluni saarullinniarnermut inerteqqummik atorunnaarsitsisinnaavoq, apeqqummut 1-imut akissuteqaat takujuk. Aalisariutit 120 BT-imiit imaluunniit 24 meterit a.t.t. mikinerusut tunngaviusumik killeqarfimmiit avammut 3 sœmilit tikillugu sulit qalorsuarsorlutik saarullinniarsinnaassapput.

Inussiarnersumik inuulluaqqusilluta



Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisoq